

Udin, ai 9 di Dicembar dal 2014

## FEVELÂ CUL MONT, PARLARE COL MONDO, TALKING TO THE WORLD

*Presentazion di une gnove publicazion sostignude de ARLeF*

**Sabide ai 13 di Dicembar**, tal Centri Diurni Punto Zero (vie Pescopagano 6) di San Vît aes 11.30, si presenterà l'ultin lavôr editoriâl di **Silvana Schiavi Fachin, une jenfri lis plui grandis espertis talianis di didatiche plurilengâl**. La publicazion "**Fevelâ cul mont, Parlare col mondo, Talking to the world**", editade di Futura Edizioni e realizade dal dut in Italie, cul jutori de ARLeF (Agenzie Regionâl pe Lenghe Furlane), e à un biel sottitul: "La lenghe e je musiche".

*«Si trate di un strument didatic par promovi une educazion pluriculturâl e interculturâl tant che fonde di un percors educatîf plurilengâl – al marche il president de ARLeF, Lorenzo Fabbro -; par judâ i frutins e i fantats des nestris scuelis a cressi cence pregiudizis e stereotips, ma ancje braurôs dai valôrs alts de lôr tradizion storiche e culturâl ».*

"Fevelâ cul mont, Parlare col mondo, Talking to the world" al è un gnûf progjet de **Golaine "99 domande"** in forme di scjatule, cun **99 cjartis di zûc cun ancjetantis peraulis dissegnadis dai fantats dal Centri Diurni Punto Zero cu la colaborazion de ilustradore Patrizia Geremia**. Lis peraulis, i proverbis, lis cjançons... a son declinâts in 15 lenghis e, te zornade de presentazion, un trop di 20 fruts a fasaran une dimostrazion pratiche dal zûc adun cu la autore. **L'obietîf didatic al è chel di puartâ i fruts de scuele de infanzie e primarie, in maniere divertente, ae discuvierte graduâl des analogjiis e des diferencis che a esistin fra lis diferentis visions dal mont**, i diviers compartaments, lis credincis e lis opinions dai popui de Tiere e a ricognossi lis corrispondencis o lis diferencis che a esistin jenfri i elements lessicâi che lis lenghis a doprin par pandi la diversitât culturâl e di pinsîr. L'ûs didatic dal zûc al pues partî dai dissens par scuvierzi ce che i fruts a san za su lis robis o su lis ilustrazions, lassantjur che a fevelin te lenghe che a cognossin miôr: par furlan o talian, ma ancje doprant chê altris lenghis che a fevelin a cjase (par esempi un dialet locâl o di une altre region, une altre lenghe dal teritori tant che il sloven o il todesc) o une ded lenghis de gnove imigrazion (l'albanês, il cravuat, il rumen).

<<<<<<<<<<<<